



Republika e Kosovës
Republika Kosova
Republic of Kosovo



Komuna e Kaçanikut
Opština Kaçanik
Municipal Kaçanik

01Nr. 104/02-20260/22
Kaçanik, 28.07.2022

Në bazë të nenit 40.2 (b.) të Ligjit Nr.03/L-040 – Për Vetëqeverisjen Lokale (Gazeta Zyrtare e Republikës së Kosovës Nr. 28/4 Qershor 2008) të Ligjit Nr.03/L-048 –Për Menaxhimin e Financave Publike dhe Përgjegjësitë (Gazeta Zyrtare e Republikës së Kosovës Nr. 27/03 Qershor 2008) të Ligjit Rr.03/L-221-Për Ndryshimin dhe Plotësimin e Ligjit Nr.03/L-048-Për Menaxhimin e Financave Publike dhe Përgjegjësitë, të nenit 15 dhe 16 të Ligjit Nr.08/L-066 -Mbi Ndarjet Buxhetore për Buxhetin e Republikës së Kosovës për vitin 2022 (Gazeta Zyrtare e Republikës së Kosovës Nr.13/31 Dhjetor 2021), të nenit 61 të Statutit të Komunës, Kuvendi i Komunës Kaçanik në mbledhjen e mbajtur me 28 Korrik 2022, mori këtë:

V E N D I M PËR TRANSFERIN E MJETEVE

1. Transferet e mjeteve nga kategoria e investimeve kapitale (fondi 10):

Nga nën-programi:

Planifikimi urban dhe inspeksioni 66445, shuma prej 25,000.00€

Të Transferohen në kategorinë e shpenzimeve mallra dhe shërbime (fondi 10):

Në nën programin:

Planifikimi urban dhe inspeksioni 66445, shuma prej 25,000.00€

2. Transferimi i këtyre mjeteve kërkohet për shkak të tepricës së mjeteve të projekti "Ndërtimi dhe rregullimi i Çarshisë së Vjetër të Qytetit, i cili vjen si rezultat i vlerës së kontratës në raport me ndarjen buxhetore dhe në anë tjetër paraqitja e mungesës së mjeteve të kategoria e mallrave dhe shërbimeve për realizimin e aktiviteteve të mirembajtjes dhe aktiviteteve tjera në kuadër të kategorise së mallrave dhe shërbimeve.

3. Pjesë përbërëse e këtij Vendimi janë Formularet standard nga MFPT. të plotësuar me shumën e lëvizura sipas Nën-Programave buxhetore dhe kodeve ekonomike të shpenzimeve.

4. Për realizimin e këtij Vendimi, obligohet Drejtoria e Buxhetit dhe Financave, e cila drejtori të njejtin vendim do ta zbaton në Ministrinë e Financave Transfereve dhe Punës, respektivisht në Departamentin e Buxhetit dhe Departamentin e Thesarit.

5. Ky Vendim hyn në fuqi sipas nenit 17 të Rregullores (MAPL) Nr.01/2017- për procedurën e hartimit dhe publikimit të akteve të komunës.

Me këtë Vendim njoftohen:

1. Kryetari i Komunës;
2. Drejtoria e Buxhetit dhe Financave (përmes kësaj drejtorie njoftohen organet tjera relevante); dhe
3. Arkivi.



Kryesuesi i Kuvendit
Kemal Murseli



Republika e Kosovës

Republika Kosova-Republic of Kosovo

Qeveria - Vlada - Government

Ministria e Financave, Punës dhe Transfereve

Ministarstvo Finansija, Rada i Transfera - Ministry of Finance, Labour and Transfers

Departamenti i Buxhetit-Budzet Department-Budget Department

KËRKESA PËR TRANSFER

PJESA 1: TË DHËNAT E TRANSFERIT

Emri i organizatës buxhetore		Komuna Kaçanikut	Kodi	652
Emri i nën-programit		Planifikimi urban dhe inspeksioni	Kodi	66445

Transferi/Rialokimi

Kodi organizativ	Kodi i nën-programit	Kodi Funkcional	Burimet e Financimit	Emërtimi i Projektet	Kodi i projektit	Kategoria shpenzimeve	Aprovimi i tanishëm	Shuma e ndryshimit	Aprovimi i ri	Buxheti Aprovuar/Rishikuar	Totali i shumës së transferuar/rialokuar	% Transferit/Rialokimit (i ri ndaj buxhetit)
652	66445	0620	10	Ndërtimi dhe rregullimi i Qarshisë së Vjetër të Qytetit	51213	30	170,000.00	(25,000.00)	145,000.00	170,000.00	(25,000.00)	(14.71)
652	66445	0620	10	Mallra dhe Sherbime		13	20,000.00	25,000.00	45,000.00	20,000.00	25,000.00	
				Totali			190,000.00	-	190,000.00	190,000.00	-	

PJESA 2: ALOKIMI I NDARJES BUXHETORE TË TRANSFERUAR

(Shëno Po ose Jo)	Transferi të pasqyrohet në ndryshimet e alokimeve	PO	JO	
		PO		
	Konfirmo që është dhënë plani i rishikuar i rrjedhës së parasë?	PO		

PJESA 3: ARSYETIMI (Të plotësohet nga organizata buxhetore)

Transferi i këtyre mjeteve kërket përshkak të tepricës së mjeteve të projekti Ndërtimi dhe rregullimi i Qarshisë së Vjetër të Qytetit, i cili vjen si rezultat i vlerës së kontratës në raport me ndarjen buxhetore.

ORGANIZATA BUXHETORE CERTIFIKON QË KËRKESA ËSHTË KONSISTENTE ME LIGJIN E BUXHETIT DHE PËRFAQËSON PËRDORIM EFTKIV DHE EFIKAS

TË FONDEVE, KONSISTENT ME OBJEKTIVAT BUXHETORE TË ORGANIZATËS

Zyrtari kryesor financiar	Data	Zyrtari Kryesor Administrativ / Kryeshefi Ekzekutiv	Data
Gafurr Loku	19.07.2022	Besim Ilazi	19.07.2022

PJESA 4: ANALIZA DHE APROVIMI

ANALIZA E MF (Të plotësohet nga analisti i buxhetit)

KËRKO NDRYSHIMET NË NDARJE BUXHETORE		NDARJA BUXHETORE KD E REGJISTRUAR NË SIMFK NGA*	
Drejtor i Buxhetit	Data	Departamenti i buxhetit regjistrimi i të dhënave*	Data
z. Salvador Elmazi			
		NUMRAT E KD	

Vrejtje:

*Kolona e hijezuar paraqet totalin e ndarjes buxhetore për kategorinë e shpenzimeve të nën-programit

REPUBLIKA E KOSOVËS / REPUBLIKA KOSOVA / REPUBLIC OF KOSOVO
Qeveria e Kosovës / Vlada Kosova / Government of Kosovo
Ministria e Financave / Ministarstvo za Finansije
Ministry of Finance
Arkiva - Arhiva - Archive

Nr. Org. / Jed. / Org. Unit: 02/104
Nr. Prot. / Prot. No.: 1628-1/2022
Data / Datum / Date: 12.08.2022
Nr. i ftoqes / Broj stranice / No. pages: 7
Dolase / PRISHTINE/A



Republika e Kosovës
Republika Kosova - Republic of Kosovo
Qeveria - Vlada - Government

*Ministria e Financave, Punës dhe Transfereve - Ministarstvo Finansija, Rada i Trasfera -
Ministry of Finance, Labour and Transfers*

Për:	Besim Ilazi, Kryetari i Komunës së Kaçanikut
Kopje:	Kemajl Murseli, Kryesues i Kuvendit të Komunës Elbert Krasniqi, Ministër në Ministrinë e Administrimit të Pushtetit Lokal Venera Çerkini, Zv. Sekretare e Përgjithshme, Ministria e Administrimit të Pushtetit Lokal Njësia për Administrimin e Dokumenteve, Ministria e Administrimit të Pushtetit Lokal
Përmes:	Resul Makreshi, Zv. Ministër në Ministrinë e Financave, Punës dhe Transfereve Enis Spahiu, Zv. Sekretar i Përgjithshëm, Ministria e Financave, Punës dhe Transfereve
Nga:	Klit Shala, Zv. Drejtor i Departamentit Ligjor, Ministria e Financave, Punës dhe Transfereve
Zyrtarët përgjegjës:	1. Zyrtari hartues i vlerësimit ligjor Bora Duli, Zyrtare e Lartë Ligjore, Ministria e Financave, Punës dhe Transfereve 2. Zyrtari konfirmues i vlerësimit ligjor Kimete Zekaj, Zyrtare e Lartë për Politika Buxhetore, Ministria e Financave, Punës dhe Transfereve
Lënda:	Konfirmim i ligjshmërisë të aktit të Komunës së Kaçanikut
Lloji i aktit:	Vendim

Referencë: 196/2022

10.08.2022

Inderuari Kryetar z. Ilazi,
Inderuari Kryesues z. Murseli,

Në pajtim me Rregulloren (QRK) Nr. 10/2019 për Shqyrtimin Administrativ të Akteve të Komunave, plotësuar dhe ndryshuar me Rregulloren (QRK) Nr. 06/2021, në bazë të kompetencave

ligjore të Ministrisë, të përcaktuara me ligjet bazike dhe Rregulloren (QRK) Nr. 02/2021 për Fushat e Përgjegjësisë Administrative të Zyrës së Kryeministrit dhe Ministrive, plotësuar dhe ndryshuar me Rregulloren (QRK) Nr. 04/2021, Departamenti Ligjor i Ministrisë së Financave, Punës dhe Transfereve, ka pranuar për shqyrtim të detyrueshëm të ligjshmërisë, ashtu siç parashihet me nenin 81 të Ligjit Nr. 03/L-05 për Vetëqeverisje Lokale, aktin komunal si në vijim:

Vendimin 01Nr.104/02-20260/22 për transferimin e mjeteve
<i>I miratuar më datë 28.07.2022</i>
<i>I parashtruar për shqyrtim në Ministrinë e Administrimit të Pushtetit Lokal më datë 01.08.2022</i>
<i>I dërguar për shqyrtim në Ministrinë e Financave, Punës dhe Transfereve më datë 02.08.2022</i>

Ministria e Financave, Punës dhe Transfereve (këtej e tutje referuar si "**Ministria**"), pas shqyrtimit të përmbajtjes së aktit të mësipërm të Komunës së Kaçanikut, jep konstatimet ligjore të mëposhtme:

1. Komuna e Kaçanikut me anë të aktit që është subjekt i shqyrtimit synon transferin e mjeteve financiare nga kategoria 'shpenzime kapitale' në kategorinë 'mallra dhe shërbime'.
2. Për qëllime të këtij vlerësimi, është relevante të theksohet se procesi i transferimit të mjeteve financiare evidentohet edhe në legjislacionin që bie në fushëveprimin e Ministrisë së Financave, Punës dhe Transfereve, si por duke mos u kufizuar në dispozitat e Ligjit Nr. 03/L-048 për Menaxhimin e Financave Publike dhe Përgjegjësitë (tutje 'LMFPP'), plotësuar dhe ndryshuar me Ligjin Nr. 03/L-221, me Ligjin Nr. 04/L-116, me Ligjin Nr. 04/L-194, me Ligjin Nr. 05/L-063, me Ligjin Nr. 05/L-007 dhe Ligjit Nr. 08/L-066 mbi Ndarjet Buxhetore për Buxhetin e Republikës së Kosovës për vitin 2022 (këtej e tutje referuar si 'Ligji i Buxhetit 2022').
3. Kështu, në kuptim të transferit të mjeteve, neni 15, paragrafi 1 i Ligjit të Buxhetit 2022 përcakton mundësinë e transferit të shumave të ndara buxhetore, si në vijim:

Neni 15

Transferi i shumave të ndara buxhetore

1. Transferi i shumave të ndara buxhetore bëhet në përputhje me nenin 30 të LMFPP-së, në nivel të nën programit buxhetor dhe të kategorisë së shpenzimeve, sipas kriterëve dhe procedurave të parapara me aktet nënligjore në fuqi. Përqindja e llogaritjes së ndarjes buxhetore të ndikuar negativisht përfshin të gjitha burimet e financimit.
4. Sipas nenit 30 të LMFPP-së, organizatat buxhetore dhe në këtë rast edhe komunat, mund të transferojnë deri në pesë për qind (5%) të një ndarje buxhetore në një ndarje tjetër përgjatë vitit fiskal pa pasur nevojë për miratim paraprak nga Ministri. Pavarësisht se

Komuna mund të marr një vendim të tillë pa pasur nevojë për miratimin paraprak të Ministrit, neni 30.5 pika (c) kushtëzon Kryetarin e Komunës që të lajmërojë me shkrim Departamentin e Buxhetit për çfarëdo bartje të bërë.

5. Nisur mbi premiset e këtij argumentimi, mbetet evidente se organizata buxhetore i ka transferuar mjetet nga njëra ndarje në tjetrën. Përkundër kësaj, realizimi i suksesshëm i një procesi të tillë karakterizohet me detaje teknike buxhetore për të cilat organizatat buxhetore bashkëpunojnë ngushtë me Departamentin e Buxhetit.

6. Në këtë kuptim, Ministria konstaton se akti i Komunës së Kaçanikut është në përputhje me legjislacionin në fuqi - mirëpo realizimi i suksesshëm i tij kushtëzohet me përputhshmërinë e materialeve përcjellëse të lëndëve të proceduara nga Komuna në raport me udhëzimet dhe/apo rekomandimet e Departamentit të Buxhetit. Kjo nënkupton se vendimet e organizatave buxhetore mund të pësojnë ndryshime, konform rekomandimeve teknike të dhëna nga Departamenti i Buxhetit në Ministri.

Ministria mbetet në dispozicion të Komunës së Kaçanikut dhe/apo Ministrisë së Administrimit të Pushtetit Lokal për çfarëdo sqarimi të mëtejshëm lidhur me këtë vlerësim.

Me respekt!

Interpretimi i dhënë nga Ministria e Financave, Punës dhe Transfereve përkitazi me këtë çështje mbështetet vetëm në këndvështrimet që prekin fushëveprimin legjislativ të Ministrisë së Financave, Punës dhe Transfereve